



آذربایجان میلی جبهه سی نین پلانفرمی

آذربایجان میلی جبهه سی گوئی آذربایجاندا مختلف اینتلکتوال جریانلاردان عبارت بیر پلورالیست تشکیلات اولراق اؤز سیاسی پروگرامی و گؤروشونو آشاغیداکی قئید اولان ۱۴ ماده - ده بیان ائدیر:

۱- حاکیمیت میللتین دیر. هئج بیرگوج هئج بیر زامان بو اساس پرنسیپی و یارادیلیمیش دئموکراتیک حکومتین صلاحیتینی محدودلاشدیرا بیلمز.

۲- خالقلارین اؤز مقدراتینی تعیین ائتمه حاققینی اساس توتاراق بین الخالق حقوق نورمالاری چرچیه سینده ایندیکی ایران دؤولتی نین ترکیبینه اولان گوئی آذربایجانین تاریخی تورپاقلاریندا آذربایجان میلی حکومتینی یاراتماق.

۳- وطنداشلاریمیزین حقوقلارینین مدافعه سی اوچون BMT طرفیندن قبول ائدیلیمیش عموم دونیا اینسان حقوقلاری بیان نامه سی ÜİHB قبول ائتمک و تطبیق ائتمک.

۴- قادینلار، اوشاقلار، علیل لر، دیل حقوقلاری ایله باغلی بین الخالق عالمینده تانیلمیش بوتون بیان نامه و کنوانسیالاری قبول ائتمک، بو حاققلاری مدافعه ائتمک. اشکنجه و اولوم جزالارینین قاداغان اولونماسینی، سیاسی، دینی، جینسی، عقیده و عیرق آیری سئچکیلیلرین آرادان قالدیریلیماسینی تامین ائتمک.

۵- دین و فیکیر آزادلیغینین ان اؤنملی تامیناتی کیمی دؤولت قوروجولوغوندا دین و دؤولتین آیریلماسی، دؤولت اداره ائدیلمیشینده و قانون وئردیجیلیینده لاییکلیین، دونیویلیین تمل پرنسیپ کیمی قبول اولونماسی.

۶- دئموکراتیانین اساس ستونلاریندان اولان سؤز آزادلیغینین تامیناتی اوچون هئج بیرحاکیمینه باغلی اولمایان مستقل مئدیالار: تلویزیا، مطبوعات و سوسیال شبکه لر یارادیلمالی دیر.

۷- بو گون اینسانلیغین اولشدییی بؤیوک گلوبال پروبلم لردن اولان اکولوژییانین چیرکلنمه سی و اطراف محیطین قورونماسی بؤلگه میز اوچون ده آکتوتال بیرمسئله دیر. آذربایجان حکومتی خالقیمیزین ساغلام محیط ده یاشاییب وار اولماسینی و گله جک نسیللر اوچون اطراف محیطین قورونماسینی دایما دیققت مرکزینده ساخلامالی، اکولوژییایلا باغلی بین الخالق لایحه لرینده آکتیو ایشتراک ائتمه لی، بو ساحه ده دؤولت پروگرامی حاضرلامالی، اؤلکه نین صناعه سینى، ایقتصادیاتینین اینکشافیندا اکولوژییایا وورولان ضررین مینیموما ائندیریلمه سینى و «اینسان فاکتورونون» هر زامان اؤن پلانا چیخارتماسی دیر.

۸- مین ایللردن بری بؤلگه ده چوخونلوق ساییلان آذربایجان تورکلی آذربایجان تاریخی تورپاقلاریندا بؤیوک و شرفلی ائمیریالار و سولاله لرین قوروجوسو اولموشلار. تورک سولاله لری تاریخ بویو تولئرانلیق نمایش ائدییره ره ک، مختلف ائتنیک و دینی آزیقلارلا دینج شکیلده بیرگه یاناشی یاشاماق اوچون تقدیره لاییق بیر مدل یاراتماغا نایل اولموشلار. مستقل آذربایجان دؤولتی بو تاریخی تجربه دن یارارلاناراق، جنوبی آذربایجاندا بوتون ائتنیک گروپلارین و دین لرین صلح و عدالتلی اینکشافینی تامین و بو یگانه مدل بیر میراث کیمی قورونمالی دیر.

۹- گونئی آذربایجاندا رسمی دیل کیمی «آذربایجان تورکجه سی» تانیاجاق. دیگر میلی آزیلیقلارین دیل لری، مدنییتی، اینانجیلاری بوتون توپلوموموزون قازاندىغی مدنی زنگینلیک دیر. میلی آزیلیقلارین اؤز آنا دیلینده تحصیل آلماسی، اؤز مدنییینی اینکشاف ائتدیرمه سی و کولتور ایرثینین قورونماسی گونئی آذربایجاندا میلی حکومت طرفیندن تامین اولونمالی دیر.

۱۰- وطنیمیزین ایقتصادی، سیاسی، سوسیال، مدنی اینکشافینی «اینسان کاپیتالی» اوزرینده قورماغا، یاتیریملاری داها چوخ میللتیمیزین تحصیلینه، علمه یؤنلده ره ک اؤلکه میزی «خام مال» و «کند تصرفاتی» اؤلکه سی سویه سیندن یوکسک اینکشاف ائتمیش صنایع اؤلکه سینه چئویرمک.

۱۱- آذربایجانین ایقتصادی اینکشافی اؤنملی مسئله کیمی دیرلندیریلمه لیدیر. بونولا هم اؤلکه میزین اینکشافینا، دونیادا نفوسونون آرتماسینا، همده جمعیتییزده کی یوخسوللوق، سفالت، ایشسیزلیک کیمی ایقتصادی- سوسیال پروبلم لرین چؤزولمه سینه خدمت ائتمیش اولاجاییق.

۱۲- آذربایجان حاکیمیتی نین هم داخلی هم خارجی سیاستی میلی ماراقلاریمیز اوزرینده قورولمالی دیر. دئموکراتیک، لاییک بیر دؤولت اولراق بین الخالق ایقتصادی اینتقراسییا پروسس لرینده آکتیو ایشتراک ائتمیه، خارجی سیاستیمیزده دوستلوق، امکداشلیق، طرفداشلیغا، قونشو اولدوغوموز دؤولت لرله دینج، امین- آمانلیق شرایطینده یاشاماغا نایل اولمالییق.

۱۳- تورک میللتی ایران جغرافیاسینا سپلنمیشش دیر. بو باخیمدان گونئی آذربایجاندا میلی حکومتین یارانماسی، ایراندا بوتون مظلوم میللتلره خصوصیه، ایران تورکلرینه یاردیم اولاجاقدیر. اونلارین فوندامنتال حقولارینی مدافعه ائتمک، یئری گلدیینده مادی- معنوی دستک گؤستریمک آذربایجان میلی حکومتی نین دیققت مرکزینده دوراجاقدیر.

۱۴- میلی رمز و سیموللاریمیز گله جک دؤولتچیلییمیزده میللت نماینده لری طرفیندن تعیین اولوناجاقدیر.

آذربایجان میلی جبهه سی شوراسی

۲۱ مارت ۲۰۰۲، ایسوج، مالمو شهری